



遙廣無同人篇章往復以故十二闕皆自為次韻較
未盡一如弓嚮與荔裳顧菴湖上倡和例此用韻之
異同而梅岑則獨為其難者因拈出附識牘尾
至小香詞品之工已見諸家及僕散評不更及

序

往余以憩跡邗江與于皇伯紫孝威菌次



子放夕燕處謀筆墨之歡輒至漏盡雞鳴徘徊而

不能去蓋率以為常弗知倦也繼余薄宦京師僕

僕風塵情狀頓異每思昔日聚首蕪城擊鉢啣杯

之樂渺不可得今歲余暫假南歸畢事還京取道

邗上擬再尋曩時倡和之緣苦以王程迫促怒怒

解纜無由一登平山凭東閣開尊覓句一暢幽懷

小草牽人悵快何已比余舟抵淮陰脂車將北而

荔裳顧庵西樵諸君子寄余紅橋雅集詩一帙則
固余別後借吳越楚蜀齊秦諸同人所劈軸濡毫
卽事分韻而成之者也對黃葉以言愁溯滄波而
永望名園曲榭宜貯佳人廢苑荒臺每來詞客則
此集也洵江山之盛事而騷雅之極觀哉余旣不
能從諸公後竊附敦槃而更有歎者念昔時諸子
忽焉雲散于皇依人于淮浦伯紫羈旅于燕都茵
次出守吳興又遠在五湖外而友沂倏先朝露痛
絕人琴今茲集中僅見孝威姓名與諸公迭唱騷
吟點綴竹西黃溝之勝則撫是編也能無感慨繫
之因書以復荔裳顧庵西樵諸君子顧余懷抱爲
何如也

康熙丙午陽月旣望淮南同學弟龔鼎孳題于公
路浦舟中

姜鶴儕

字子翥丹陽人

得朱字

窮途曾阮籍岐路豈楊朱繫馬寒暄澹登龍秋色
殊干戈他日泪詞賦此宵娛暫緩征衣薄清尊興
不孤

得遷字

離合人頻換榮枯局屢遷蕭樓餘暮雀隋苑遍殘
烟江上舟將去林中賦已傳回看高會處著述有
群賢

系木介和身一集
姜稼 字遵養丹陽人

得魚字

三江常過客消息問雙魚後學推前輩今時並古
初尋師因鼓柅訪道爲停車聽罷驚人語應傳到
敝廬

得言字

名園欣置酒殘菊澹忘言景物春方再舟車世自
喧依人逢北海結客羨平原移座斜陽裏西風塵
影翻

孫枝蔚

字豹人三原人

得西字

都人傳讌會名士半羈棲漫比遊金谷真成在竹
西當筵山木落背客水禽啼悅此能無詠先防醉
似泥

得長字

那能同卜宅且復暫啣觴日落琵琶處樓高葭菼
旁齊憐人窈窕肯怨老顛狂別後論文地回看道
路長

范國祿 字汝受號十山通州人

得公字

歌舞繁華地由來感慨同名園
留氣色我輩託高空
嘯絕千年調詩占列國風
竹西如可作今日藉諸公

得人字

文物江山麗清華水木春樓臺
宜得月魚鳥欲親人說法石肯首
含香花效顰夕陽橋影亂歸路隔
風塵

孫金礪 字介夫慈谿人

得思字

南北風雲客尋芳到習池
邀歡隋苑地爭賦建安詞
古木傳耘老新聲付雪兒
先愁明月落辛苦寄相思

得中字

歌吹揚州路畱連興未窮
蒼烟迷遠黛碧澗落疎紅
蝶傍花邊出橋因竹徑通
蘭亭紀勝賞人共畫

圖中

鄧漢儀 字孝威泰州人

得臨字

偶集天涯客招携到石林
野花迷戰鬪水閣縱登
臨歲久笙歌密朋來杖屐深
且看紅袖舞為緩二
毛侵

得庵字

園空依酒市地僻老漁庵
此日文星聚深宜野興
酣賦才淹鮑照歌板出何戡
莫漫驚銅漏霜天好

劇談

方章鉞

字式五桐城人

得盟字

霜煖生新霽筵開集舊盟
故鄉初稅駕勝地重班
荆患難幾年事悲歌隔世情
深孟遲落日歸路畫
橈輕

得雲字

已不辭盃羊何勞錦瑟紛
稱身明遠水新響擁歸
雲星欲臨人動花同索句芬
一時傳勝會疑向曲
江分

方雲拖

字彥博桐城人

得朱字

勝地良時會那今客與孤一樽開古苑千里集文
儒漆湛庭蘿綠霜研岸樹朱康成愧年少雄辯動
人無

得稀字

隋堤歌舞歇久矣勝遊稀不謂平原飲還臨曲水
屏詩譚彥集尚觴政酒人非應有文星動何辭酌
酌歸

宗元鼎

字定九號梅岑江都人

得林字

十月陽春動諸公集野林共嬉堤面水翻愛柳垂
陰艷思叢香粉高言引素心忽聽絲竹舫疑是助
清音

得妍字

杏蕊行將放芙蓉尚覺妍佳晨拚麩蘂落日戀花
鈿竟許春為令何妨石可眠亭前蕉葉在畱作美
人箋

吳崑 字暉吉號西湄上海人

得樓字

勝地群賢合園亭野外幽喜從江北路同上竹西
樓落日芙蓉岸清波杜若洲向來歌吹好此會足
風流

得人字

林杪含烟暮城頭起月輪艷情分頰笑嬌態轉眉
顰天地留詩聖蒹葭托酒人相逢多遠別把盞更
須頻

朱一是 字近修海寧人

得夫字

梁苑才方合隋堤興不孤霜花開曲水烟柳暗平
蕪詩酒逢良會疎狂恕老夫扁舟惜分手客夢滿
江湖

得途字

十載揚州夢重過舊酒壚論詩兼勝地彈鋏盡吾
徒秋塞驚飛雁晴沙羨浴鳧滄江歸計好何事泣
岐途

宋實穎

字既庭蘇州人

得湖字

繁華行幸地人說古江都詞賦供才子興亡感腐
儒紅橋垂斷岸朱檻壓平湖不改河山麗猶堪入
畫圖

得珠字

勝地開金谷名姬侍綠珠當場買一笑載筆賦三
都城郭無兵甲乾坤有釣屠白頭吾輩在同調醉
相呼

宋

琬

字玉叔號荔裳萊陽人

得舟字

愛此林塘好天寒秋色畱池光翻白鳥城影壓朱
樓斗酒成高會長堤足冶遊明年脩禊事還擬盪
輕舟

得庵字

客心驚物候楓葉落淮南蕭灑諸賢集登臨此地
堪狂歌徵玉笛纖指擘霜柑欲就東公語繩床半
偈庵

紅橋仙柳第一集

王追騏 字景之 號雪洲 黃岡人

得公字

忽忽成良會 吾儕道未磨 千秋留此日 四海有羣
公醒醉忘形裏 肝腸不語中 愁看卮酒後 葉葉自

西東

得棠字

莫羨蘭亭勝 名園真格在 飛觴隨笑傲 落葉亦文
章 塵外笙歌靜 風前環珮香 羣賢應有曲 何用理

霓裳

顧 苓

字云美 吳縣人

得如字

樓臺臨水豔 樹石隔城疎 詞客偏違世 論文合唱
予萍蹤落葉後 鴻爪著泥初 莫學蘭亭藁 書成總
不如

得夫字

登臨堪吊古 更莫論潛夫 霞落堤全紫 霜初柳半
枯 餘桃當日影 舊鏡隔年圖 好付徐陵撰 文樓已

久蕪

陳其年畫小史 紫雲于卷軸 李雲田圖姬人 絡隱于扇頭 乞詩

人王 槩 字安節嘉興人

得沉字

酒戶分高下傳盃各淺深縱忘良友約當念美人
斟擇地宜臨水追懽喜醪金新愁與積恨今夕盡
銷沉

得長字

落葉照山黃園亭面女牆是花皆可對無酒不能
狂出郭多幽事催人有夕陽游踪相繫戀爭奈柳
絲長

談允謙 字長益丹徒人

得陳字

却幸今辰集猶然近小春霜林宜命酒寒菊故依
人聚散誰能定詩書誼自親正當清詠發簫鼓莫
橫陳

得田字

邗上經兵後招携亦偶然尊罍今有酒江海久無

田 時江田 禁墾 水落三秋後花開十月夫相期真不易

將別重畱連

程直遠 字穆倩歙縣人

何來千里駕十子適招尋襍坐忘賓主適時撫昔

今暖風騰晝霧遊女豔文心句發慚形穢鴻音天

外沉

得長字

野曠連岡上懷人引目長小陽蜂蝶健豐歲圍農

傷晚菊難為色天姿不在粧人倫相燕喜海內永

相望

張度 字仲方號月鹿東臯人

此日誠佳會憐予滯遠鄉聲同詩句好思入酒杯

長明月遙相照秋花老一方不慚蓬跡易珠玉已

盈箱

得年字

名賢誇勝集歌舞畫橋邊綺席笑容幕新詩錦繡

篇波橫人影動霜落客星懸莫漫孤豪興歡場僅

百年

詩

工喬昌中集

姚景明 字仲潛江都人

得字

開樽招四野亭榭倚斜曛才子青樓管佳人
練裙酒香浮碧蟻花舞颺晴雲一水鷗光滿依然月

二分

得年字

樽酒蘭亭會飄零我獨憐感茲歌吹盛不羨永和
年疎柳橫江岸歸鴉送暮天笛聲花外響人倚夕

陽昭

葉藩

字桐初號南屏太倉人

得桐字

遊覽成佳會園亭遂不同苔侵衣袖綠葉傍酒杯
紅閱世愁羈客關心聽遠鴻擬尋棲息地策策愛

疎桐

得西字

垂柳興亡外依然遶舊隄重過流水曲看到夕陽
西閣靜雲疑墜歌長路欲迷平山知不遠差可足

攀躋

張儼 字若思當塗人

得舟字

名勝延清賞
烟嵐望裏收
酒香風色入
霜嬾菊情
畱盛事今誰再
高山未易酬
坐深無去住
燈火鬧歸舟

得言字

人向霜前集
筵開菊後尊
暖雲當戶牖
好鳥下籬門
雅會風流在
樵談古道存
客途慰寥寂
靜對已忘言

吳嘉紀

字賓賢號坐人泰州人

得娛字

出郭競提壺
暄風春不殊
詞人多在眼
吾道幾曾孤
籬下花迎馬
池邊樹集烏
疎慵來自晚
非是厭歡娛

得幽字

應接吾曹簡
追陪此地幽
停歌聞落葉
把酒傍閑鷗
良會兼紅粉
歡場已白頭
論文永今日
人醉古揚州

汪楫 字舟次號龍人江都人

得雲字

威鳳誰堪耦冥鴻自許群風流林下在歌吹水邊
分小閣圍黃葉高城壓白雲壺觴處處好無那石
榴裙

得稀字

冬日自暉暉風塵此地稀寒花入戶放老蝶傍人
飛多難憐華紱 謂顧菴西樵荔裳樓岡諸先生 無才愧布衣諸公
容我嬾爛醉臥漁磯

靈幹 字中發號石民蘇州人

得西字

霜老寒河外園花落未齊山川饒勝友詞賦會新
題一葉依江北孤鴻叫竹西相憐同作客繞樹感
枝棲

得梅字

河流陰雉堞霜氣黯樓臺畫舫人歸晚紅橋日倒
催忘情存筆墨學道負尊鼻更去尋官閣新寒可
放梅

弘修 字梵林號五癡山陰人

得疆字

高會靜葉張名園勝辟疆揮毫當四座霏雪對匡

床十月欣和暢六朝思渺茫謾傷陳迹興廻舫水

中央

得威字

寥寥竹溪叟數輩一何稀雅集今偏勝羽翰人可

威軒窓依水靜吟句得鴻歸遲我當筵至想應觥

正飛

沈

泌

字方鄴宣城人

得妍字

園亭城北好細路入秋烟十月矜高會孤花闌晚

妍香疑珠翠散境覺水雲偏薄醉臨風怯笙簫嬾

放船

得洲字

芙蓉開極浦葭菼蔽前洲錦瑟偶然抱美人無限

愁月當今既望地是古揚州勝事往年說吾曹姓

字畱

季公琦 字希韓 齊人

得沉字

池柳尚陰陰
微鷺雁一吟
檻臨寒木動
杯度夕陽
深長笛傳江
閣疎鐘出遠
林獨懷孤棹
客淮浦信
猶沉 茶村赴淮
未與此集

得田字

蘭橈來往處
城上微痕穿
對酒能無飲
聞歌亦可
憐蕖殘仍傍
水菱老欲成
田後會紅橋
畔斯遊未
惘然

曹爾堪

字子顧號顧菴嘉善人

得洲字

虛榭餘秋氣
芳尊卜晝遊
橋橫疎柳岸
鷺隱白蘋
洲暢敘文章
合清談水竹
幽畫船亭外
過繁吹自
中流

得中字

細水通池碧
新霜着樹紅
美人憐病菊
詞客撫焦
桐江路殘霞
外蕪城夕照
中相逢良不
易雁影看
西東

系...
王士祿 字子辰號西樵新城人

得陳字

佳辰良讌會軒檻對清津高論縱橫得深杯取次

陳涼風捎晚桂斜日灑霜蘋一抹紅霞色如爲逗

小春

唐人詩紅霞一抹廣陵春定子當筵睡臉新

得公字

莫悵芙蓉落新紅又早楓餘聲仍白雁昵響雜青

蟲

青蟲籍名

屐許隨幽侶詩應賦惱公晚歸扶薄醉聊

用慰飄蓬

陳世祥

字善百號散木通州人

得梅字

晴旭滿樓臺寒郊野色開雲香流戶牖花氣入尊

罍石淨還垂菊風暄欲放梅竹西應未歇高唱有

鄒枚

得方字

上客金閨彥名流玉筍良聲華稱並駕意氣合殊

方進酒翻紅袖含毫擷錦囊遙聞歸畫舫相爲起

笙簧

續補仙和第一集
陳維崧 字其年宜興人

得潛字

秋柳故摻摻秋波入鏡奩開尊成把袂側帽一掀
顛江笛晴偏響烟航晚更添飛騰寧敢望吾意學

陶潛

得如字

此地隋家苑流傳千載餘西風吹灌木斜日漾清
渠好友歡相得濃秋錦不如劇憐人易散矯首倍

愁予

李以篤

字雲田漢陽人

得舒字

遶郭看紅葉臨流羨白魚梅遲霜月綻鴈掠暮烟
疎浪跡為歡少愁心仗友舒名園堪嘯傲縱飲結

相於

得人字

群彥多詩伯吾衰尚酒人園如修禊事花發小陽
春浮吹何方至當筵有美壘風光歸路好緩緩出

重闌

孫默 字無言徽州人

得梅字

出郭人俱遠招携近水隈紅橋新酒榭淥水舊歌臺
小妓能分韻山僧亦舉杯更思霜雪裏畱興問寒梅

得舟字

好友當遙集移尊漾碧流丹楓初炤日殘菊遠含秋
選勝還尋渡分題更倚樓前邨漁唱罷寒月送歸舟

曷

襄

字辟疆號巢民如臯人

得林字

三月揚州客呼兒喜盍簪老年驚此會舊夢忽重尋
冬熱先春色霜遲厚晚林長虹壓臺榭烟視蜀岡深

得庵字

良友如雲集佳人靜可參詩才雄冀北眉色映江南
更續蘭亭會惟餘茗帚庵櫻懷寧止七吾意尚能堪

蘇軾仙舟第一集
詠丹書
字青若如舉人

得青字

載酒紅橋北
群公屐早停
小春風景好
高雁響秋
亭薄醉憑闌
望在吟抱
鄰聽那須愁
日落月挂柳
梢青

得暉字

屢月心情亂
高歌與世違
今宵借勝侶
清夜破山
扉野色明霜
蘂疎林照夕
暉來朝仍有
約愁絕峭
帆歸

杜世農

字輟耕號湘民黃岡人

得裳字

初冬良讌會
晴色媚衣裳
四座俱爲客
群公各擅
場緇流隨約
至紅袖過來
香他日傳詞
賦萍踪又
杳茫

得西字

不負園亭好
開樽興復齊
醉如無客恨
暖似有鶯
啼晚菊驕
荒徑衰楊戀
古堤酒船回
落炤流水忽
然西

杜世捷 字武功黃岡人

開筵真袞袞詞賦就諸公今日歡場少他時感慨
同清歌綠水曲高雁寫晴空更喜臨風艷微醺酒
暈紅

得方字

憶昔曾游此斯人天一方重來時已換益覺舊難
忘細草鋪幽逕疎籬護夕陽隔谿紅數點吹送酒
迎鵬

紅橋雅集記

丙午冬孟尋游維揚夔州李公研齋萊陽宋公荔
裳樵李曹公顧菴新城王公西樵黃岡王公雪洲
在焉遠近名流後先至茲往來甚都崇川陳子善
伯范子汝受陽羨陳子其年延令季子希韓宛陵
沈子方鄴姑孰張子若思謀之江都宗子定九姚
子仲潛汪子舟次于中旬之七日讌集群公于紅
橋卿大夫士凡四十餘人緇衣二人女史一人携
樽盃溯濠流達槐子河人限二字賦唐人五言近

體二首觥籌兩溟鏤管霜飛玉山皆頽珠鬢欲歆
風流宕跌致足樂已屬李公研齋序其事命予爲
之記予謂古維揚介在荒服漢吳王濞招致賓客
枚乘鄒陽嚴忌之徒仕于吳衣冠萃集暨隋煬東
幸歌臺舞館戟列星羅羣華繡馮競相侈耀唐宋
以還號佳麗矣自燕都定鼎東南百萬艘衝關而
出灌輸于京師宦客之經過必艤艇偃帆于其城
下貿遷化居之所在百貨奔闐甃藁鱗接充牣于
闔閭故四方游士率以爲歸旣當五會八達之衢

繁華之地天下財賄之委聚雖鮮深山藪澤
輿區峻嶺在其旁足以繫登涉之幽情而雅人騷
客游展之所必至撫離宮之故址吊芳魂于玉鈎
鷺語鶯啼助其愴况存亡興廢之感有永懷若寄
焉之四十餘人者或勁節表稱于當宁或品行取
重于同儕彼此聞聲庶幾一見周旋終日和唱賡
歌不可謂非素心之最愜者已雖遠方之屈止居
近之主賓未盡此四十餘人而燕蜀齊魯吳越秦
楚之英足當風雅之林者強半適在極一時之良

遇矣夫富貴何常忽如郵傳惟茲性情之所發歷
久長存誦詩讀書尚友千載豈曰當吾世而掉頭
過之此則諸君子之志也則知百世而下其視吾
黨今日之集亦猶吾黨之視昔人也哉四明孫金
彌介夫氏撰



